



*Moyse fait monter les grenouilles en Egypte.*

**E**N Apres le Seigneur dit à Moÿse, Va à Pharaon, & luy dit l'Eternel a dit ainsi : Laisse aller mon peuple, afin qu'il me serue ; que si tu refuses de le laisser aller, ie frapperay, & toute la terre sera couverte de grenouilles, qui monteront en ton hostel, en tes chambres, sur tous les lieux de tes seruiteurs, sur leurs fours & dépenses. Adonc le Seigneur commanda à Moÿse, Dis à Aaron, Eleue ta main sur les eaux, riuieres, fleuues & estangs, afin que tu fasses monter des grenouilles sur la terre d'Egypte : Ce que fit Aaron, & les raines monterent, & courirent toute la terre. Ce que firent aussi les Deuins & enchanteurs de Pharaon, lequel voyant cela, dit à Moÿse & Aaron : Suppliez le Seigneur vostre Dieu, qu'il oste les raines arriere de moy, & de mon peuple, & ie laisseray aller le peuple Israélite, afin qu'il sacrifie au desert. Et Moÿse respondant, dit à Pharaon : Ordonne le iour, & ie feray ce que tu requiers ; & Pharaon dit, Demain sera le iour qu'ils sortiront. Et Moÿse dit, soit fait selon ta parole, afin que tu sçaches que nul n'est semblable à l'Eternel nostre Dieu. Adonc Moÿse éleua sa voix au Seigneur pour la retraite des raines, qui en l'instant moururent toutes & furent assemblées par monceaux, dont la terre deuint puante. Pharaon estant deliuré rengraua son cœur, & n'obeit à Moÿse, ny à Aaron.

*Exode Chap. 8.*